

Script of Morning Gojri News Bulletin 09 October 2024 at 1015Hrs
ما رنینگ گو جری نیو ز بلیٹن مو رخہ 09 اکتوبر 2024

یوہ آکا شوانی جموں ہے محمد مبارک ماہرتیں خبر سٹو۔

JK Counting Completes

جموں کشمیر تے ہریانہ مانہ اسمبلی انتخابات با رے ووٹاں غی گنتری مکمل ہو گئی ہے۔ جموں کشمیر مانہ تمام 90 اسمبلی نشستیں غا نتیجاں غو اعلان کر دتو گئیو ہے۔ نیشنل کانفرنس نے 42 نشست حاصل کیں ہیں جدکہ اس غی اتحادی جماعت انڈین نیشنل کانگریس مانہ صرف 6 نشست ہی لبی ہیں۔ بھارتیہ جنتا پارٹی نے 29 نشست حاصل کیں ہیں۔ پی ڈی پی نے اس انتخاب مانہ صرف 3 نشست حاصل کیں ہیں۔ جد کہ سی پی آئی ایم تے عام آدمی پارٹی مانہ اک اک نشست لبی ہے۔ آزاد امیدواراں نے جموں کشمیر یوٹی مانہ 7 اس سیٹاں ور کامیابی حاصل کی ہے۔ نیشنل کانگریس اتحاد جموں کشمیر مانہ اگلی سرکار بنان با رے بالکل تیار ہیں۔ کیونجے اُن نے 90 رکنی اسمبلی مانہ 48 نشست حاصل کر غے نصف ہندسہ مانہ پار کر لیبو ہے۔ سابق وزیر اعلیٰ تے نیشنل کانفرنس غا رہنما عمر عبداللہ نے بڈگام تے گا ندر بل دوپاں حلقاں تیں کامیابی حاصل کی ہے۔ ہندواڑہ مانہ جموں کشمیر پیپلز کانفرنس غا سجاد گنی لون نے جیت درج کی ہے۔ سی پی آئی ایم غا محمد یوسف تارینگامی نے کلگام اسمبلی حلقہ تیں جیت حاصل کی ہے۔ پی ڈی پی غی رہنما تے پارٹی سربراہ محبوبہ مفتی غی بیٹکی التجاء مفتی جنوبی کشمیر غا بجبہاڑہ نشست وروں اپنو انتخابی آغاز ہا ر گئیں ہیں معروف نیشنل کانفرنس غا رہنما ناصر اسلم وانی کپواڑہ اسمبلی حلقہ تیں اپنی انتخابی لڑائی ہا ر گیا ہیں۔ کانگریس جماعت غا دوئے کا رگزار صدر رمن بھلا تے تارا چند وی جموں جنوب تے چھمب تیں بالترتیب ہا ر گیا ہیں۔ بی جے پی ریاستی صدر رویندر رینہ نو شہراہ حلقہ تیں اپنو چناؤ ہا ر گیا ہیں۔ جموں کشمیر مانہ 90 اسمبلی حلقاں واسطے ووٹ 3 مرحلاں مانہ 18 ستمبر، 25 ستمبر تے رواں مہینہ غی 1 تا ریخ مانہ کھلیا گیا تھا۔ ہریانہ مانہ بی جے پی نے 90 اراکین مانہ اکثریت غو بندوسو پار کر غے لگاتار تیجی وار سرکار بنانی برقرار رکھی ہے۔ بی جے پی نے ات 48 نشست حاصل کی ہیں جد کہ کانگریس 37 ور سمٹ گئی 3 نشست آزاد امیدواراں گا حصہ مانہ آئی ہیں۔ انڈین نیشنل لوک دل مانہ وی 2 نشست لبی ہیں۔

BJP Best Performance

بی جے پی نے جموں خطہ مانہ 2014 غی 25 سیٹاں غا مقابلہ مانہ 29 نشست جت غے اپنی ہُن تک غی بہترین کارکردگی درج کی ہے۔ جد کہ کانگریس نے ہُن تک غی سب تیں کھٹ سطح ور کامیابی حاصل کی ہے اور صرف راجوری غی اک نشست جت غے اپنو کھاتو کھولن مانہ کامیاب رہی۔ واضع رہے جے پارٹی غا قد آور رہنما تے سابق نائب وزیر اعلیٰ تارا چند تے سابقہ وزیراں سمیت کئی دوجا سابق قانون سازاں مانہ مذکورہ انتخابات مانہ ہار غو سامنو کرنو پیو۔ بی جے پی مانہ وی بڑو دھچکو لگو جد اس غا یوٹی غا سربراہ رویندر رینہ نے نو شہراہ غی نشست نیشنل کانفرنس غا رہنما سریندر چودھری کولوں ہاری۔ جموں خطہ مانہ 43 نشستیں وچوں 29 سیٹاں ور بی جے پی نے جت غے سب تیں بڑی پارٹی بن غے اُبھری ہے۔ جد کہ نیشنل کانفرنس مانہ 7 نشستیں ور جت حاصل ہوئی ہے۔ تیجا نمبر ور آزاد امیدواراں نے میدا ن ماریو ہے۔ ارویند کچریوال

غی عام آدمی پارٹی نے وی اپنو کھاتو مہراج ملک غے نال کھولیو ہے۔ جہیڑو ضلع ڈوڈہ تیں ضلع ترقیات کونسل غا ممبر غا طور ور جتیو تھو۔ کانگریس نانہہ صرف اک نشست لی جد کہ غلام نبی آزاد غی ڈی پی اے پی، پی ڈی پی، بی ایس پی، پنتھرس پارٹی تے جموں کشمیر اپنی پارٹی جس نے خطہ مانہہ مچ سارا امید وار کھلا کیا تھا خالی رہیں۔

BJP SC ST

بی جے پی نے لگاتار دو جا اسمبلی انتخابات مانہہ درجہ فہرست ذاتاں با رے تمام مختص 7 سیٹاں ور کامیابی حاصل کی ہے۔ پر جموں خطہ مانہہ درجہ فہرست قبیلہ واسطے تمام مختص 6 نشستاں ور بار گئی ہے۔ اس نے حد بندی تیں بعد جموں خطہ مانہہ 6 وچوں 5 نوی بنائی گئی ممتاز مزارات غا ناں آلی تمام نشست حاصل کی ہیں۔ جموں کشمیر یوٹی مانہہ درجہ فہرست قبیلہ واسطے 9 نشست مختص کی گئی تھیں۔ جن مانہہ 6 خطہ جموں جد کہ 3 وادی کشمیر ہیں۔ اور درجہ فہرست ذاتاں واسطے تمام 7 نشست خطہ جموں مانہہ ہی مختص کی گئی ہیں۔ بی جے پی نے اکھنور، مڑہ، بشناہ، سچیت گڑھ، رام گڑھ، کٹھوعہ تے رام نگر غی اسمبلی نشست خاصا ووٹاں سنگ جیتی ہیں۔ ور یوہ بی جے پی واسطے پورو آلت تھو جس نے جموں خطہ مانہہ تمام درجہ فہرست قبیلہ واسطے مختص نشستاں راجو ری، تھنہ منڈی، بدھل، مینڈھر، سرنکوٹ تے گلاب گڑھ تیں پار نصیب ہوئی۔ بی جے پی نے جموں خطہ مانہہ 6 وچوں 5 نوی نشست جتن مانہہ کامیابی حاصل کی ہے۔ جن مانہہ پاڈر، ڈوڈہ مغرب، ادھم پور مشرق، شری ماتا ویشنو دیوی کٹڑا، تے رام گڑھ شامل ہیں۔ بی جے پی نے مشہور مذہبی جگہ آلی 5 سیٹاں ور کامیابی حاصل کی جن مانہہ بی جے پی نے شری ماتا ویشنو دیوی کٹڑا سمیت ضلع ریاسی غی شیو کھوری، پاڈر ناگسینی غی مچیل ماتا، بلا ور غی سکرا لا ماتا، تے جسروٹہ غی جسروٹہ والی ماتا شامل ہیں۔

NC India Alliance

نیشنل کانفرنس غا نائب صدر عمر عبداللہ نے کہیو ہے کہ انڈیا بلاک جموں کشمیر مانہہ سرکار بنان با رے دعوو صرف اس ویلے پیش کرے جو جد اتحادی جماعتاں غا اسمبلی مانہہ اتحاد غا رہنما غو انتخاب کرن غا سلسلہ مانہہ ملاقات وے گی۔ عمر دسیو جے نیشنل کانفرنس قانون ساز پارٹی جموں کشمیر غا وزیر اعلیٰ گا امید وار بارے فیصلو لے گی۔ ان نے کہیو کہ یوہ اتحاد اور منتخب اراکین غو فیصلو وے گو کہ اگلا 5 بہراں مانہہ جموں کشمیر غی قیادت کس غا ہتھ مانہہ دتی جائے گی۔ نیشنل کانفرنس غا رہنما نے کہیو جے منشور ثابت کرے کہ لوکاں نے جموں کشمیر مانہہ بی جے پی غی سیاست غے خلاف ووٹ دتو ہے۔ عمر عبداللہ نے کہیو کہ اس فیصلہ سنگ پارٹی غی ذمہ داری بدھ گئی ہیں۔ ان نے پی ڈی پی غی صدر محبوبہ مفتی غو وی شکریوادا کیوجت ان نے شاندار جت ور نیشنل کانفرنس نانہہ مبارکباد دتی۔

CEO JK

جموں کشمیر عام اسمبلی انتخابات 2024 کامیابی نال اختتام پزیر ہو گیا ہیں جہیڑا کہ جموں کشمیر غا جمہوری عمل مانہہ اک اہم لمحو تھا۔ اعلیٰ چناؤ افسر پی کے پولے نے کہیو ہے کہ یہ جموں کشمیر مانہہ سال 2014 تیں بعد پہلا اسمبلی انتخابات تھا۔ جس مانہہ لوکاں غی طرفوں بدھ چڑھ غے حصو لیو گیو۔ ووٹراں غی کثیر شراکت نے جمہوریت غا اداراں ور لوکاں گا اعتماد غی دوبارہ تصدیق کی ہے۔ جس نے بیلٹ غی طاقت ور

لوڪاں ڄا مڪمل يقين نانه واضع طور ور ظاير ڪيو اور اس ڄي ڳواهي ڌتي۔ اعليٰ چناؤ افسر نه تمام شراڪتداراں ڄا سانجها جتناں نانه سراپتاں واں ضلع چناؤ افسراں، 75 هزار تين اپر پولينگ عمله، ڪمانڊ ته ڪنٽرول روم ڄا عمله، تمام سرگرمياں ڳا نوٽل افسراں، حفاظتي اهلڪاراں ڄا قابل ستائش ڪم ور شڪريو اڌا ڪيو به۔ ان نه ووٽراں ڄو وي شڪريو اڌا ڪرتاں واں ڪهيو ڄه انتخابات نه صرف معمول ڄي بحالي آله پاسه اڪ قدم ڄي علامت هيں بلڪه اپنا جمهوري حقوق ڄا استعمال مانه لوڪاں ڄي صلاحيت ڄي وي عڪاسي ڪريں۔

اس ڄه نال هي خبراں ڄو يوه بليٽن ختم هوؤ۔